

ԷՍԹԵՏԻԿԱԿԱՆ ԴԱՍՏԻԱՐԱԿՈՒ- ԹՅԱՆ ՀԱՍԱՐԱԿԱԿԱՆ ՆՇԱՆԱ- ԿՈՒԹՅՈՒՆԸ

Մարդկության պատմության բոլոր
 փամանակաշրջաններում գեղագի-
 տական միտքը բացառիկ ուշադրություն է դարձրել էսթե-
 տիկական դաստիարակության հարցերին։ Անհատի հոգեկան
 և ֆիզիկական կատարելության հարցը եղել է բազմաթիվ
 փիլիսոփաների ու գեղագետների ուսումնասիրության ա-
 ռարկան։ Դեռ անտիկ աշխարհում ստեղծվել են տեսություն-
 ներ գեղագիտական դաստիարակության մասին։ Պլատոնի,
 Արիստոտելի աշխատություններում անհատի ներդաշնակ
 դաստիարակության խնդիրները քննվում են գեղագիտու-
 թյան մյուս պրոբլեմների հետ սերտ կապակցված։

Հին աշխարհի այդ մեծ մտածողների մոտ կան արժե-
 քավոր դիտողություններ գեղագիտական դաստիարակության
 հասարակական նշանակության մասին։ Անցյալի առանձին
 առաջավոր մտածողներ գեղագիտական դաստիարակությու-
 նը համարում էին հզոր միջոց հասարակության արատները բու-
 ժեղու և նոր բարքեր հաստատելու գործում։ Քաղաքական
 ոլորտում ամեն բարելավում պետք է ելնի բնավորության
 ազնվացումից,—գրում է Շիլլերը։—Բայց ինչպե՞ս բնավորու-

թյունը կազնվանա բարբարոս պետական կարգի ազդեցության տակ: Հանուն այդ նպատակի հարկավոր է գտնել գործիք, որը պետութունը շունի և դրա համար բացել աղբյուրներ, որոնք կպահպանեն իրենց մաքրությունն ու պարզութունը քաղաքական փշացածության պայմաններում... Այդ գործիքը արվեստն է, որի աղբյուրները բացվում են նրա անմահ կերպարներում»: Կամ՝ «... Ճանապարհը դեպի ազատութունը անցնում է միայն գեղեցիկի միջով¹»:

18-րդ դարի լուսավորիչները գտնում էին, որ բարու հաղթանակը պայմանավորված է արվեստով, նրա կախարդիչ ուժով: Սակայն նախամարքսյան մտածողները, կանգնած լինելով հասարակական կյանքի իդեալիստական ըմբռնման տեսակետի վրա, գերազնահատեցին արվեստի դերը սոցիալական արատները վերացնելու գործում: Ներանց կարծիքով գեղեցիկի ընկալումը և տարածումը գեղարվեստի միջոցներով բավական է, որպեսզի կործանվի շարը և հաղթանակի բարին: Այդ ուտոպիկ պատկերացումները հասարակութունը ազնվացնելու և ներդաշնակութուն հաստատելու ուղղությամբ հեռու էին գիտությունից: Հետագայում բուրժուազիան հեռացավ առաջադիմական գաղափարներից, և մոռացության տրվեցին անցյալի մեծ գործիչների ավանդները:

Մարքսիզմը ցույց տվեց, որ դաստիարակության հարցերը անհնարին է դիտել հասարակական կյանքի մյուս երեւյթներից անջատ: Սոցիալ-տնտեսական և քաղաքական-գաղափարական գործոնները վճռական նշանակություն ունեն հասարակության անդամների դաստիարակության գործում: Մասնավոր սեփականատիրական աշխարհում անհրեւարին է հասարակության բոլոր անդամներին ներգրավել դաստիարակության ոլորտը և հազորդակից դարձնել գիտության ու արվեստի նվաճումներին:

Կոմունիզմը իրականութուն է դարձնում մարդկության լավագույն բաղձանքները. ծաղկելու և լրիվ դրսևորվելու են

¹ Ф. Шмеллер, Собр. соч., т. VI, М., 1957, стр. 274—275, 254.

մարդու ընդունակութիւններն ու տաղանդը, նրա բարոյական լավագույն հատկութիւնները:

Էսթետիկական միտքը մեր երկրում վերելք է ապրում: Լույս են տեսել մեծ թվով ուսումնասիրութիւններ ու մենագրութիւններ, ուսումնական ձեռնարկներ, որտեղ շարադրված են մարքս-լենինյան գեղագիտութեան հիմնական պրոբլեմները: Ստեղծվել է մեծ գրականութիւն էսթետիկական դաստիարակութեան հարցերի շուրջը, որը մեր օրերում ունի կենսական, պրակտիկ նշանակութիւն: Այժմ մարքս-լենինյան էսթետիկայի հիմունքները, որպէս ծրագրային առարկա, մտցված են բուհերի, տեխնիկումների, ինչպէս և որոշ գպրոցների ավարտական դասարանների ուսումնական պլանների մեջ: Քաղաքական լուսավորութեան ցանցում կազմակերպվել են տեսական սեմինարներ, որտեղ աշխատավորները ուսումնասիրում են էսթետիկայի հարցերը:

Կյանքը հրամայարար թելադրում է զբաղվել ոչ միայն դաստիարակութեան տեսական հարցերով, այլև պահանջում է կազմակերպել գործնական աշխատանք այդ ուղղութեամբ: Այդ շնորհակալ գործը կլրացնի այն բացը, երբ ոչ հեռու անցյալում գեղագիտական դաստիարակութեան հարցերով գպրոցը և կուլտուր-լուսավորական հիմնարկները զբաղվում էին ոչ պատշաճ շափով:

Կուլտուրական հեղափոխութիւնը սոցիալական տեսական պրոցես է, որը բովանդակում է սոցիալիստական հասարակարգի զարգացման պատմական ամեն մի շրջանի համար լուծման յուրահատուկ եղանակներ, միջոցներ ու խնդիրներ՝ պայմանավորված երկրի կուլտուր-տնտեսական հնարավորութիւններով: Ընդհանրացնելով սովետական հասարակարգի զարգացման փորձը և կանխագծելով մեր գալիքը, կուսակցութիւնը որոշակիորեն իր նոր ծրագրում ընդգրծեց, որ գիտական աշխարհայացքի ձևավորման հետ մեկտեղ արդի փուլում կենսական անհրաժեշտութիւն է դառնում «մարդկային անհատի բազմակողմանի և ներդաշնակ զարգացումը»: Նոր հասարակարգի մարդուն հատուկ են հոգևոր հարստութիւն, բարոյական անաղարտութիւն և ֆիզի-

կական կատարելութիւն մարմնավորող գծերու «Գեղար-
վեստական սկզբունքն է՝ ալիքի ոգեշունչ կղարձնի աշխա-
տանքը, կգեղեցկացնի կենցաղը և կազնվացնի մարդուն»։
Սրագրի այս սեղմ դրույթները մեծ խոհերի տեղիք են տա-
լիս։ Իրոք, գեղեցիկը դառնում է մեր ապրելակերպի ցու-
ցանիշներից, մեր կյանքի մղումներից մեկը։ Գիտականորեն
դեկավարելով կոմունիստական հասարակարգի կառուցումը,
մեր կուսակցութիւնը նոր մարդու դաստիարակութիւնը և
աշխարհայացքի ձևավորումը դիտում է որպէս առաջնահերթ
խնդիր։

Կոմունիզմը ենթադրում է անհատի բազմակողմանի և
ներգաշնակ զարգացում, նեղ պրակտիցիզմի, անստեղծա-
գործ աշխատանքի բացառում։ Կոմունիզմը շի վերացնի աշ-
խատանքի հասարակական բաժանումը, բայց կստեղծի բո-
լոր բարենպաստ պայմանները մարդկային ունակութիւն-
ների լրիւ դրսևորման համար։ Այն հասարակութիւնն ամեն
մի անդամին ստեղծագործական աշխատանքի ու կրթու-
թյան համասար հնարավորութիւններ կընձեռի։ Կո-
մունիզմի ժամանակ իսպառ կվերանան մարդկանց միշտ
գոյութիւն ունեցող անհամասարութիւն դրսևորումները կյան-
քում։ Դա մեծ ազդակ կհանդիսանա ստեղծագործական մտքի
զարգացման համար։

Մարդկանց ստեղծագործական կարողութիւնների բացա-
հայտման գործում ուրույն նշանակութիւն ունի էսթետիկա-
կան դաստիարակութիւնը, որը նպաստում է անհատի երե-
վակայութեան զարգացմանը, գեղեցիկի զգացման պատ-
վաստմանը, հոգեկան խառնվածքի, ճաշակի և պատկերավոր
մտածողութեան ունակութիւնների կատարելագործմանը։ Ե-
թե մարդը,— ինչպէս ասում է Մ. Գորկին,— իր բնույթով
արվեստագետ է, ապա էսթետիկական դաստիարակութիւնը
զարգացնում է նրա էութեան այդ կողմը։

Գրականութեան մեջ էսթետիկական և գեղարվեստական
դաստիարակութեան հասկացութիւնները հաճախ նույ-
նացվում են, որը ճիշտ չէ։ Այս հասկացութիւնները իրար

շեն հակասում, բայց առաջինը ավելի լայն է, քան երկրորդը: Գեղարվեստական դաստիարակությունը ենթադրում է հասարակության անդամներին հաղորդակից դարձնել արվեստին, ընդգրկել գեղարվեստի ոլորտը: Հսթետիկական դաստիարակությունը, բացի արվեստից, դրսևորվում է նաև մարդու գործունեության բոլոր մյուս բնագավառներում ու պարագաներում:

Հսթետիկական հարաբերությունն իրականության նկատմամբ բովանդակում է իր մեջ մարդու միտքն ու զգացմունքները, համոզմունքն ու կամքը: Իրականության Հսթետիկական ճանաչումը ենթադրում է զգացմունքի ու բանականության միասնություն: Իրականության Հսթետիկական ընկալումը հարստացնում է մարդու աշխարհայացքը և աշխարհըմբռնումը անմիջական տպավորություններով: Իրականության նկատմամբ Հսթետիկական հարաբերությունն ակտիվ ու բազմաբովանդակ վերաբերմունք է, որն արտացոլվում է ոչ միայն արվեստի ստեղծագործություններում, այլև բոլոր պարագաներում, որոնց հետ առնչվում է մարդը: Մարդու համար Հսթետիկական ընկալման առարկա կարող են դառնալ բնության հոյակապ տեսարանները, հայրենասիրական սիրանքը, աշխատանքային հաջողությունը, սիրած աղջկա ժպիտը, արվեստի երկը...

Մեզանում դեռևս լրիվ չի հաղթահարված Հսթետիկական դաստիարակության խնդիրները գեղարվեստական դաստիարակության հարցերով սահմանափակելու ոչ ճիշտ գիծը: Այդպիսի մոտեցման դեպքում աղճատվում ու փոքրացվում է գեղագիտության շրջանակը, միակողմանի բնույթ է ըստանում Հսթետիկական դաստիարակությունը: Ժողովրդին Հսթետիկական ոգով դաստիարակելը նշանակում է՝ սովորեցնել նրան ընկալելու կյանքի գեղեցիկը, ապրել ու աշխատել այդ գեղեցիկի շափանիշներով, հաղորդակից լինել արվեստին: Հսթետիկական դաստիարակություն ստացած մարդու մոտ կրկնապատկվում է աշխարհազգացումը և ինքնաճանաչումը: Գեղագիտական զգացումը համապարփակ,

ամբողջական զգացում է, որի մեջ բանական և հուզական շահանքները միաձուլվում են:

Կոմունիզմը, հանդիսանալով աշխատավոր մասսաների նվիրական իդեալը, իրականութուն կդարձնի մարդկանց վսեմ տենշանքներն ու բաղձանքները, կուժեղացնի նրանց գեղագիտական ակտիվությունը: Անհատի և հասարակության ներդաշնակ փոխհարաբերության հաստատումը կհարստացնի մարդու ներքնաշխարհը, կարթնացնի նրա մեջ գեղեցիկը: Որքան է նեղացնում մարդու աշխարհըմբռնումը սեփականատիրական զգացումը, հարստանալու տենչը: Հարստանալու մոլուցքը խեղդում է մարդկանց մեջ հոգեկան վսեմ գծերը, դարձնում նրանց փողի քսակի գերի: Կարելի է արդյոք գեղեցիկ համարել այն ապրելակերպը, երբ առանձին մարդիկ փողն ու ունեցվածքը դարձնում են կուռք: Նման մարդկանց մոտ բթանում են ազնիվ ու գեղեցիկ զգացումները, նրանք չեն նկատում կյանքի իսկական արժեքները, դառնում են «հոգեկան ներքինիներ»: Հսթետիկական զգացումով օժտված մարդը գեղեցիկի սկզբունքներով իմաստավորված գնահատական է տալիս կյանքի այնպիսի երևույթներին, որոնց մասին օրենսգրքում համապատասխան հոգված չի նախատեսվում: Փոխադարձության սկզբունքով կատարված դրական արարքը դուրս չի գալիս ողջամտության սահմաններից և ընդհանուր առմամբ ընդունվում է որպես սովորական մարդկային փոխհատուցման պատրաստակամություն: Կարելի է արդյոք նույն շահանքիչով գնահատել անձնազոհությունը, փոխհատուցման շապսող արարքը: Իհարկե ոչ: Նման արարքները գեղեցիկ են: Մարդկային բնավորության բարդ հոգեբանական հրանգները կարելի է հասկանալ, վեր հանել ու գնահատել արվեստի գեղագիտական շահանքներով ու միջոցներով: Ստորաբարշտությունը, անսկզբունքայնությունը, խորամանկությունը և մարդկային վարքագծի մյուս ալլանդակ կողմերը մերկացվում ու դատապարտվում են ոչ այնքան իրական նորմերով, որքան բարոյա-հոգեբանական,

էսթետիկական վերաբերմունքով: Վ. Ի. Լենինը նկատել է, որ սոցիալական անհավասարության դեմ պայքարելու գիտակցումը լայն մասսաների շրջանում պետք է արթնացնել ոչ միայն նրանց բանականության մեջ, այլև զգացումների և ապրելակերպի մեջ, որպեսզի նրանք բնական ատելությամբ լցվեն դեպի ունեզրկողներն ու կեղեքիչները:

Սոցիալիստական հասարակարգը գեղագիտականի դրսևւորման լայն հնարավորութուններ է ստեղծում: Սոցիալական և ազգային հավասարության հաստատումը մեր երկրում ազդակ է հանդիսանում բազմազգ ժողովրդի ստեղծագործական ունակութունների զարգացման համար: Աշխատանքը դառնում է փառքի ու պատվի գործ, իսկ աշխատանքի մարդը՝ նոր աշխարհի կերտող: Ծթն մարդն արտադրում է գեղեցկության օրենքների համաձայն (Կ. Մարքս), ապա նրա գործունեության մեջ գեղեցիկի տարրերը սոցիալիստական հասարակարգում դառնում են արտադրության ոգին, հոգեկան սնուցիչը: Կապիտալիստական արտադրանդանակը բանվորին դարձնում է մեքենայի կցորդը, սպանում նրա ստեղծագործական ավյուրը, գեղեցիկի զգացումը: Չարլի Չապլինը «Մեծ քաղաքի կրակները» և «Նոր ժամանակներ» կինոկատակերգութուններում շգեբազանցված վարպետությամբ պատկերել է մարդու՝ հաստոցի մասնիկի վերածվելը, նրա հոգեկան սնանկացումը:

* * *

Աշխատավորության գեղագիտական դաստիարակության բովանդակութունը և շրջանակները լրիվ պարզաբանելու համար անհրաժեշտ է ցույց տալ աշխատանքի էսթետիկայի էությունը:

Ժամանակին դեռ Հեգելն է նկատել, որ արտադրության ու վերարտադրության պրոցեսում գործում են իրար բացառող, բայց միաժամանակ մեկը մյուսով պայմանավորվող՝ ազատության ու անհրաժեշտության տենդենցները: Անցյալի գեղագիտական միտքը էսթետիկականի դրսևորման հիմնական ուղորտը դիտում էր մարդու հոգեկան գործունեության,

մասնավորապես գեղարվեստական ստեղծագործության մեջ: Այդ է պատճառը, որ անցյալի մտածողների մոտ չկան հանգամանալից ուսումնասիրություններ տվյալ հարցի շուրջը: Սակայն չպետք է ժխտել, որ նրանց աշխատություններում կան հանճարեղ մտքեր, ինքնատիպ բնութագրեր ստեղծագործական աշխատանքի գեղագիտական հատկանիշների մասին: Հեգելը նշել է աշխատավորի ինքնուրույնության բացակայությունը, նրա կախվածությունը մարդկային հարաբերությունների կծիկից:

Մարքս-լենինյան գեղագիտությունը գիտական հիմքերի վրա դրեց էսթետիկականի առաջացման ու ձևավորման արմատները արտադրության մեջ, վեր հանեց այն սոցիալական մոտիվները, որոնք նպաստում կամ արգելակում են գեղեցիկի դրսևորմանը:

Մարքսիզմը ցույց տվեց, որ բոլոր արտադրանականներում գեղագիտականի սկզբունքը բխում է արտադրության բնույթից: Բայց այն լրիվ է դրսևորվում միայն սոցիալիստական հասարակարգում:

Արտադրության գեղագիտական սկզբունքը իր մեջ է ներառում երեք անկապտելի և փոխադարձորեն կապակցված մոմենտներ՝

ա) գեղեցիկն աշխատանքային պրոցեսում, արտադրության կատարելագործման, վարպետության բարձրացման մեջ, բնության տարերային ուժերի վրա մարդու ներգործման և այդ ուժերի օգտագործման մեջ.

բ) գեղեցիկը հասարակական-տնտեսական հարաբերություններում, ինչպես նաև աշխատանքի կոնկրետ արտադրական պայմաններում.

գ) գեղեցիկը աշխատանքի արդյունքի մեջ կամ աշխատանքային գործունեության արդյունքի էսթետիկան:

Աշխատանքի արդյունքը հոգեկան մեծ բավականություն է պատճառում մարդուն: «Մարդկայնացնելով բնությունը, մարդը ստեղծում է երկրորդ բնությունը» (Մարքս), որը ծառայում է իրեն: Ստեղծելով նյութական ու հոգևոր արժեքներ, որոնք իր գործունեության արգասիքն են, մարդը վեր

է բարձրանում բնությունից, դառնում է բնության տնօրէն ու վերափոխիչ: Բայց այդ պատճառաբանված ինքնավստահության զգացումը, որն առաջանում է մարդու մոտ բնության նկատմամբ, կորցնում է իր հմայքն ու գեղեցկութիւնը սեփականատիրական արտադրական հարաբերութիւններում: Երբ մարդն իր ստեղծած արժեքի տերը չէ, ապա այն գեղազիտական զգացումը, որը պետք է առաջանար աշխատանքի արդյունքից, լրիվ չի դրսևորվում: Մինչդեռ գեղագիտական զգացումը կարևոր գործոն է, շարժիչ ուժ հասարակարգի զարգացման համար:

Էսթետիկական հաճույք կարող է պատճառել մարդուն ոչ միայն մասնագիտացված աշխատանքի արդյունքը, այլև անվճար, հասարակական աշխատանքը: Երևանցիին մեծ բավականութիւն է ստանում ու հպարտ է, որ շատ ու շատ լայնարձակ պողոտաների ու փողոցների կառուցման գործում կա նաև իր աշխատանքի մասնիկը:

Ժողովրդական տնտեսության նվաճումների ցուցահանդեսները ցուցադրում են ոչ միայն մեր առաջընթացը գիտության ու տեխնիկայի ասպարեզում, միաժամանակ նրանք աշխատանքի գեղեցկության տաղավարներ են:

Կարո՞ղ է արդյոք իրեն երջանիկ համարել այն բանվորը, որը չգիտե ի՞նչ է արտադրում և ո՞ւմ է ծառայում: «Դարչնագույն ոստայն» կինոնկարում գերմանացի պրոգրեսիվ կինոգործիչները գեղարվեստական համոզականությամբ ցույց են տվել այն հոգեկան ողբերգութիւնը, որ ապրեցին գերմանացի բանվորները Ֆաշիզմի իշխանության օրոք: Ֆիլմում մեծ վարպետությամբ պատկերված է, թե ինչպես մի կտոր հաց վաստակելու համար գործազուրկ բանվորները աշխատանք են գտնում ռազմական արդյունաբերության ձեռնարկութիւններում, իսկ իրենց աշխատանքի արդյունքը մահ է սփռում աշխարհով մեկ: Հանդիսատեսը գալիս է այն եզրակացութիւն, որ ոչ բոլոր աշխատանքների արդյունքն է պատճառում գեղազիտական ուրախութիւն: Գեղեցիկը հաճոգութ, կյանքը հաստատող աշխատանքն է:

Գեղեցիկի զգացումը մարդու մոտ ծագում է ոչ միայն աշ-

խատանքի արդյունքը տեսնելիս, նա հայտնվում է, ծնվում է հենց աշխատանքի ժամանակ: Գործարանային ժխորը, հաստոցների աղմուկը, բանվորների համաշափ ու ութմիկ շարժումները որոշակի էսթետիկական տրամադրություն են առաջացնում: Սխալ է այն տեսակետը, թե գեղեցիկը հիմնականում ֆիզիկական լարում պահանջող աշխատանքն է: Այդ տեսակետը իր արտացոլումն է գտել առանձին նկարիչների կտավներում, երբ ընդգծված ձևով պատկերվում են լարված և ուռուցիկ մկաններ, մոռացության տալով բանվորի դեմքը՝ հոգու հայելին: Մարդկային բանականության մեծագույն հայտնագործությունների դարում, երբ բանվորի աշխատանքը ինժեներա-տեխնիկական անձնակազմի աշխատանքի տարատեսակն է, հնացած են այդ և նման ուրիշ տեսակետներ: Մեր նկարիչները ժամանակակից բանվոր ներկարելիս պետք է ցույց տան նրա ինտելեկտուալ խորիմաստ դեմքը և միաժամանակ, իհարկե, ատլետիկ մարմինը: Սոցիալիստական իրականության համար այժմ տիպական են կրթված ու զարգացած բանվորները, որոնք արտադրության պրոցեսում հաջողությամբ զուգորդում են մտավոր ու ֆիզիկական աշխատանքը, երբ ծանր, մարդուն հոգնեցնող պրոցեսները կատարում է մեքենան: Ղեկավարելով ավտոմատացված ու մեքենայացված աշխատատար պրոցեսները, բանվորն ավելի է զարգացնում իր ստեղծագործական միտքը: Բազմապատկվում են նրա նորարարական հնարանքները, աշխատանքը դառնում է ավելի հաճելի ու գեղեցիկ:

Աշխատանքի պրոցեսն ավելի հաճելի կլինի և արդյունավետ, եթե աշխատասենյակներն ու սրահները լինեն մաքուր և խելացի կահավորված: Գործարանի ներսում, մանավանդ ցեխերում, պետք է հատուկ ուշադրություն դարձվի աշխատանքային էսթետիկայի կարևոր հարցերին: Դույնը ամենապարզ և ամենահաճախ ընկալվողն է, որը պահանջում է մեր արտադրության հրամանատարներից ու տնտեսավարներից՝ ներգաշնակ գույներով ներկել հաստոցներն ու սարքերը, գործարանային ինտերյերը: Դա հոգեկան լիցք կհաղորդի բանվորներին: Որքան տհաճ տպավորություն են

թողնում բանվորի, այնպես էլ այցելուների և հաճախորդների վրա Երևանի որոշ գործարանների ու ֆաբրիկաների դորշ ու անգույն հաստոցները, կամ մրով ծածկված պատերը: Մեր զարգացման ներկա փուլում ուղղակի աններելի է ձեռնարկությունները հակաէսթետիկական վիճակում պահելը: Ժամանակն է մեծ ուշադրություն դարձնել աշխատանքի էսթետիկայի հարցերին: Կոմունիստական աշխատանքի կոշման համար պայքարող ձեռնարկություններն ու բրիգադները պարտավորություններ վերցնելիս հատուկ կետեր են մշակում այդ ուղղությամբ:

էսթետիկական զգացման և ճաշակի պատվաստման ու զարգացման համար կարևոր նշանակություն ունի գեղեցկացումն այն բոլոր միջավայրերի, որտեղ ընթանում է մարդու կյանքը. դրանցից ամենակենսականը բնակարանն է, որտեղ մարդը ծննդյան օրից մինչև ծերություն զգում է ճարտարապետության ներգործությունը: Ծարտարապետական կոթողից ստացած տպավորությունը հարստացնում է մարդու էսթետիկական պատկերացումները ամբողջականության, ծավալի, հեռանկարի ու կոնտրաստի մասին: Բայց ինչպիսի հրապուրիչ տեսք էլ ունենա շենքի արտաքինը՝ ֆասադը, այն չի տպավորվի մարդու հոգու ու գիտակցության մեջ, եթե չի համապատասխանում իր ֆունկցիոնալ նպատակներին: Ցավոք սրտի պետք է նշել, որ Երևանի մի շարք շենքեր հեռու են իրենց նպատակին ծառայելուց: Այժմ, երբ բազմաթիվ ընտանիքներ ստացել են բարեկարգ, կոմունալ հարմարություններով բնակարաններ, էական նըշանակություն է ստանում կենցաղի գեղեցկացման հարցը: Նման բնակարանները ընձեռում են լայն հնարավորություններ: Հնարամիտ տնտեսուհին կարող է բնակարանը կահավորել այնպես, որ հաճելի լինի և՛ տնեցիների, և՛ հյուրերի համար: Կոմունիստական կենցաղը կահույքի արդյունաբերության աշխատողներից պահանջում է արվեստի աստիճանի բարձրացնել արտադրությունը, թողարկել ճաշակով ու գեղեցիկ արտադրանք: Անհրաժեշտ է կինոյի, ռադիոյի, հեռու-


առատեսության միջոցով ժողովրդին հաղորդակից դարձնել
գեղեցիկ կենցաղավարությանը:

• • •

Ժողովրդի էսթետիկական դաստիարակության գործում
առանձնահատուկ տեղ են զբաղում արվեստն ու գրականու-
թյունը, որոնց անընդհատ աճող դերն ու նշանակությունը
մեր օրերում դժվար է գերազնահատել: Բազմակողմանիորեն
արտացոլելով հասարակական կյանքը, արվեստն ու գրակա-
նությունը գեղարվեստական ընդհանրացման միջոցով գե-
ղագիտական գնահատական են տալիս կյանքի երևույթնե-
րին: Արվեստը վերահասարակական երևույթ չէ. արտացո-
լելով կյանքը, այն որոշակի դասակարգային դիրքերից
պաշտպանում կամ խարաղանում է մարդկային հարաբերու-
թյուններն ու արարքները: Արվեստի հասարակական ուժը
կայանում է նրանում, որ այն ոչ միայն հաստատում է ա-
ռաջավոր իդեալներ, այլև բացահայտում և դիմակազերծում
է չարն ու այլանդակը: Արվեստի նրբանկատ ու չրջահա-
յաց, զգայուն և ուշիմ տեսադաշտն ընդգրկում է կյանքի
բոլոր երևույթները: Արվեստն ու գրականությունը սովորեց-
նում են մարդկանց ճիշտ կողմնորոշվել կյանքում, հուշում
են նրանց խուսափել անվայել արարքներից: Գեղարվեստի
դասական գործերը բռնել են ժամանակի քննությունը և շա-
րունակում են մարդկանց մեջ արթնացնել վսեմ զգացում-
ներ, պայծառ խոհեր:

Անցյալի արվեստում գեղեցիկը հայտնվել է մարդկանց
անուրջներում ու անհաս բաղձանքի նման քարացել քան-
դակներում ու ճարտարապետական կոթողներում, մարմնա-
վորվել է վարպետ-գեղանկարիչների կտավներում, երգերում
ու բանաստեղծություններում: Նոր հասարակարգի կառուց-
ման շնորհիվ վերանում են այն բոլոր պատենշները, որոնք
բաժանում էին արվեստը ժողովրդի կյանքից: Սոցիա-
լիստական հասարակարգում արվեստի ու գրականության
դրական տենդենցները կապվում են կոմունիստական

հասարակարգի կառուցման օրինաչափությունների հետ, Մեր հասարակարգում արվեստն ու կյանքը սերտորեն առնչվում են իրար: Այդպիսի փոխներգործության ու փոխազդեցության շնորհիվ հոգեպես հարստանում է սոցիալիստական իրակա- նությունը, իսկ արվեստն ու գրականությունը մոտենում են ժողովրդի կյանքին: Կյանքի գեղեցիկն արվեստում դրսե- վորվում է ավելի վառ ու գունեղ, որի շնորհիվ մենք ավելի ենք հասկանում մեր մարդկանց բնավորությունը, ձգտումնե- րը, հոգեկան խառնվածքը: Սովետական մարդու էսթետիկա- կան պահանջմունքներին արձագանքում են նաև անցյալի դա- սական արվեստի և գրականության գործերը: Մեր խոհերին ու զգացումներին խորթ չեն Հոմերոսն ու Դանթեն, Մի- քելանդելոն ու Ռեմբրանդտը, Բեթհովենն ու Քումանյանը և շատ ուրիշ մեծություններ: Գեղարվեստի լավագույն նմուշ- ները նոր մարդու դաստիարակության գործում անգնահա- տելի դեր են խաղում, նպաստում են բացահայտելու մարդ- կանց մեջ թաքնված գեղեցիկ գծերը: Մեծ գրողներն ու ար- վեստագետները նկատել են, որ գեղարվեստը մարդուն ավելի է մարդկայնացնում: Արվեստի ստեղծագործու- թյան միջոցով մարդը ճանաչում է ինքն իրեն, գիտակ- ցում է իր ապրելակերպի և վարքագծի դրական ու թերի կողմերը: Արվեստի ներգործության շնորհիվ մարդը, բացի ինքնաճանաչումից, ավելի լավ է հասկանում կյանքը, վե- րապրում ու կիսում է շրջապատի մարդկանց ուրախությունն ու տխրությունը: Գեղարվեստական գործերից ստացած տը- պավորությունը կարող է էական ու վճռական նշանակու- թյուն ունենալ մարդու կյանքի, նրա դավանանքի, քաղաքա- կան համոզմունքների ձևավորման համար: Հեղափոխական շատ ու շատ գործիչներ կյանքի այդ դժվարին ուղին աներկ- բայորեն ընտրել են արվեստի ստեղծագործությունից ստա- ցած խոր տպավորությունների տակ: Երբ կարդում ենք մարդկության առաջադիմության համար պայքարած հերոս- ների կենսագրությունը, ապա նրանց օրագրերից պարզ երե- վում է, թե նրանց համար ինչքան հարազատ է եղել գեղար- վեստական երկը, նրա գրական կերպարը: Զի կարելի նորից



ու նորից շփոթատակել Վլադիմիր Իլյիչ Լենինի աշխարհա-
յացքի ձևավորման վրա գեղարվեստի թողած վիթխարի ազ-
դեցության մասին: Պատանի Ուլյանովի մեջ ատելությունը
դեպի սոցիալական անհավասարությունը արթնացրել են
Նեկրասովը, Սալտիկով-Շչեդրինը, Գլեբ Ուսպենսկին: Ինչ-
պիսի՝ ակնածանքով է արտահայտվել Վլադիմիր Իլյիչը հե-
ղափոխական երգերի, Բեթհովենի աղատատենչ ու ոգեշնչող
երաժշտության մասին: Ցարական ինքնակալության դեմ
աշխատավորությանը պայքարի են հանել Մաքսիմ Գորկու
Մրրկահավը, Դանկոն, Բազեն, Պավել Վլասովը, Հակոբ Հա-
կոբյանի բոցաշունչ բանաստեղծությունները: Նոր աշխարհի
ծնունդը գեղարվեստորեն մարմնավորվեց Մայակովսկու,
Չարենցի, Ալեքսեյ Տոլստոյի, Շոլոխովի, Ֆադեևի պոեմ-
ներում ու վեպերում: Սովետական դասական արվեստի գոր-
ծերը մեծ նշանակություն ունեցան նոր աշխարհը կառուցող-
ների դաստիարակության գործում: Հայրենական պատե-
րազմի տարիներին արվեստն ու գրականությունը սովետա-
կան բազմազգ ժողովուրդներին պայքարի էին կոչում ֆա-
շիստական հրոսակախմբերի դեմ:

Արդի պայմաններում մեր արվեստն ու գրականությունը
ճշմարտացի և վառ կերպով բացահայտում են ժողովրդի
աշխատանքային սխրանքների գեղեցկությունը, կոմունիզմի
համար մղվող պայքարի վիթխարիությունն ու վեհությունը:
Բնական է, որ ուրիշ ի՞նչ կարող է արվեստագետին ավելի
մեծ բավականություն պատճառել, քան այն գիտակցությու-
նը, որ իր տաղանդն ամբողջովին նվիրում է կոմունիզմի
կառուցման համար ժողովրդի պայքարին, որ իր ստեղծա-
գործություններն ընդունվել և բարձր են գնահատվել ժողո-
վրդի կողմից: Անցյալում և այժմ կապիտալի աշխարհում
հազվադեպ է լինում, երբ գրողն ու արվեստագետը ակտիվ
մասնակցություն են ցուցաբերում հասարակական կյան-
քին: Մեր երկրում մեծ շափերի է հասնում լավագույն
գրողների հրատարակած գրքերի տպաքանակը: Վաղուց ի
վեր արվեստը մտել է մեր ժողովրդի կենցաղը, դարձել է նրա
խորհրդատուն, ուսուցիչն ու բարեկամը: Օտարերկրացիներ-

րին զարմանք է պատճառում այն հանգամանքը, որ Մոսկվայի սպորտի պալատում տեղի ունեցած պոեզիային նվիրված երեկոներին քսան հազարանոց զահլիճը միշտ լեփ-լեցուն է։ Մեր իրականությունը լիմացողները ուղղակի ապշում էին այն լավատեղյակության համար, որ ցուցաբերում էին դահլիճում նստած ընթերցող-ունկնդիրները, որոնք բացի բանաստեղծների գործերն իմանալուց, խստապահանջ էին նրանց նկատմամբ։ Նման օրինակներ կարելի է բերել ցանկացած սովետական քաղաքից ու գյուղից։ Նթե. կապիտալի աշխարհում արվեստը կտրված է ժողովրդից և հիմնականում այսպես կոչված ընտրյալների (էլիտայի) մենաշնորհն է, ապա՝ սոցիալիզմի պայմաններում նա կոչված է բավարարելու ժողովրդի էսթետիկական պահանջները։

Կուսակցության ծրագրում ձևակերպված են մարքս-լենինյան էսթետիկայի զարգացման կարևորագույն տեսական դրույթները, սահմանված են գրականության և արվեստի խնդիրները արդի էտապում։ Կոմունիստական կուսակցությունը գրականության և արվեստի զարգացման գլխավոր գիծը համարում է ժողովրդի կյանքի հետ ունեցած կապերի ամրապնդումը, սոցիալիստական իրականության հարստության ու բազմազանության ճշմարտացի և մեծ գեղարվեստականությամբ արտացոլելը։

Կյանքի ճշմարտացի արտացոլումը արվեստում ունի գաղափարական խոր իմաստ։ Առաջադեմ գաղափարը կյանքի հայելին է, նա ընդհանուր ձևով է ի մի բերում կյանքի բնորոշ երևույթները, ճիշտ պատկերացում է տալիս իրականության մասին։ Ճանաչելով կյանքը, մասնակից լինելով կյանքի կերտմանը, արվեստագետը գաղափարը առաջին հերթին ընկալում է ոչ թե տեսական տրակտատներից, այլ ունալ իրականությունից։ Արվեստագետի ակտիվ մասնակցութունը երկրի հասարակական ու քաղաքական կյանքին ստեղծագործական նվաճումների գրավականներից է։ Սովետական երկրի արվեստագետը պասսիվ դիտողի դերում չէ, նա իր արվեստով հաստատում է գեղեցիկը, խարազանում և մերկացնում է չարը, անմարդկայինը։

էսթետիկական ներգործման միջոցով արվեստը բացահայտում է կյանքում առաջացած մարդկային հարաբերությունների նոր գծեր ու կոնֆլիկտներ: Արտացոլելով մարդուն, արվեստը նրան շի վերցնում միակողմանի, նրան շի կտրում, շի մեկուսացնում այն բարդ ու բազմակողմանի կապերից, որոնք շրջապատում են մարդուն: Գեղարվեստը մարդաբանությունից և հասարակագիտությունից տարբերվում է նրանով, որ մարդուն ուսումնասիրելու իրեն հատուկ դիտակետն ունի: Եթե մարդաբանը մարդուն ուսումնասիրում է իրեն բիոլոգիական էակ, իսկ սոցիոլոգը՝ իրեն հասարակական հարաբերությունների միազումար, ապա արվեստագետը մարդուն դիտում և պատկերում է ոչ միայն իր բոլոր կողմերով, իրեն մի ամբողջությամբ, այլև մոտենում է նրան էսթետիկական տեսանկյունով, տիպական դրսևորումների միջոցով: Մարդուն բնութագրել նշանակում է ի հայտ բերել ու գնահատել նրա բոլոր արարքները, պարզել նրա իսկական դեմքը: Բարոյական նորմաները արվեստում ուղղակի ձևով հանդես չեն գալիս, իսկ բարոյախոսությունը բխում է ստեղծագործության մեջ պատկերված դեմքերի գործունեությունից, դեմքեր, որոնց կյանքն ու ճակատագիրը միջնորդավորված ձևով ուսանելի են դառնում ընթերցողին, հանդիսատեսին, ունկնդրին:

Արվեստասերն արվեստի ստեղծագործությունների պասսիվ «սպառողը» չէ, նա նույնպես այս կամ այն շափով ըստեղծագործող է: Երբ մենք դիտում ենք Ռեպինի նկարները, մեր կենսափորձը լրացնում է նկարի բովանդակությունը: Սիրահարված պատանին կամ օրիորդը Տերյանի բանաստեղծությունները կարդում են այնպիսի շնչով, կարծես իրենք լինեն այդ գողտրիկ ոտանավորների հեղինակները: Իսկական արվեստի ստեղծագործության նկատմամբ անհնար է անտարբեր մնալ, այն ալեկոծում է մարդու հոգին, մզում նրան սխրանքների: Իր «Ինքնակենսագրության» մեջ անգլիացի մեծ բնագետ Չ. Դարվինը ափսոսանքով նշում էր, որ միակողմանիորեն տարված լինելով բնագիտությանը՝ ինքը քիչ ուշադրություն է նվիրել արվեստներին, որը

և իր հետ բերել է որոշ հոգևոր ունակությունների բրթա-
ցում»։ «... Եվ եթե ես նորից վերապրեի իմ կյանքը,— գրում
է Դարվիսը,— ես ինձ համար կանոն կսահմանեի՝ շարաթը
մեկ անգամ կարդալ որոշ քանակությամբ ուսանավորներ և
լսել որոշ քանակությամբ երաժշտություն... Այդ ճաշակների
կորուստը հավասարազոր է երջանկության կորստին և թե-
րևս վնասակար կերպով է անդրադառնում մտավոր քնդու-
նակությունների վրա, որովհետև թուլացնում է մեր բնույթի
հուզական կողմը»։ Հարաբերականության տեսության ստեղ-
ծող, 20-րդ դարի հանճար Ալբերտ էյնշտեյնն ասել է. «Ինձ
գերազույց երջանկություն են պատճառում արվեստի ստեղ-
ծագործությունները։ Նրանցից ես այնպիսի հոգևոր երանու-
թյուն եմ քաղում, որպիսին չեմ քաղում ոչ մի ուրիշ բնա-
գավառից»։ Կյանքի ամեն պարագայում արվեստը մարդու
ուղեկիցն է, նրա ձգտումների ու իղձերի խորհրդատուն,
զաղտնիքների ու արարքների միակ վկան։ Հարստացնելով
կյանքի երևույթների գեղագիտական ընկալման շրջանակ-
ները նոր երանգներով ու գույներով, արվեստը ներխու-
ժում է մարդկային գիտակցության ու հոգևոր կերտված-
քի ամենախոր գաղտնարանները։ Պատահական չէ, որ հան-
դիպումը իսկական արվեստի ստեղծագործությունների հետ
մարդկանց էսթետիկական ուրախություն է պատճառում։
Դժվար է բառերով նկարագրել այդ գեղեցիկ հոգեվիճակը,
որը մարդուն աղնվացնում է ու վեհացնում։ Արվեստի ի-
դեալը ոգևորում է մարդուն, ուժեղացնում նրա մեջ սերը
գեպի կյանքը, ապագան։

Կոմունիզմը ավելի կզարգացնի մարդկանց գեղագիտա-
կան ունակությունները, կատարյալ կդարձնի մարդկանց ապ-
րելակերպն ու հասարակական հարաբերությունները, ար-
վեստի աստիճանի կրարձրացնի մարդու առօրյան, աշխա-
տանքային գործունեությունը։

Կոմունիզմի կառուցման ժամանակաշրջանում նոր բո-
վանդակություն են ստանում աշխատավորության էսթետի-
կական դաստիարակության գործը, նպատակն ու խնդիրնե-

բը: էսթետիկական դաստիարակութիւնը մեր օրերում դառ-
նում է կենսական խնդիր, այն կոմունիստական դաստիա-
րակութեան բաղկացուցիչ մասն է, էական կողմը, որով և
սլայմանալորովում է նրա հասարակական մեծ նշանակու-
թիւնը: